



Broj: 05/1-50-13-29-13-3/15  
Sarajevo, 17.11.2015.

## ZAPISNIK

### 13. sjednice Nezavisnog odbora Parlamentarne skupštine BiH

Sjednica je održana 17.11.2015., s početkom u 11 sati.

Sjednicu je sazvaio Žiko Krunić, predsjednik Nezavisnog odbora.

**PRISUTNI ČLANOVI NEZAVISNOG ODBORA:** Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Adisa Begić, Nikola Džambas, Mate Miletić, Ljubomir Kuravica i Miroslav Škorić, članovi Nezavisnog odbora.

**OPRAVDANO ODSUTNI:** Žiko Krunić, predsjednik Nezavisnog odbora, Ilma Mehić-Jusufović, članica Nezavisnog odbora.

**OSTALI PRISUTNI:** Ivana Lovrić, koja obavlja poslove sekretara Nezavisnog odbora.

Perica Stanić, direktor Državne agencije za istrage i zaštitu BiH, i Đuro Knežević, zamjenik direktora Državne agencije za istrage i zaštitu BiH.

Sjednicu su pratili i Jovica Katić iz Sektora za odnose s javnošću Sekretarijata Parlamentarne skupštine BiH, Dijana Šatara i Senad Zlatar, predstavnici OHR-a.

Sjednicom je predsjedavao prvi zamjenik predsjednika Nezavisnog odbora Enes Obralića. Konstatirajući da postoji kvorum za rad, otvorio je 13. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

## **DNEVNI RED**

1. Usvajanje Zapisnika 11. sjednice Nezavisnog odbora;
2. Usvajanje Zapisnika 12. sjednice Nezavisnog odbora;
3. Informacija o stanju u Državnoj agenciji za istrage i zaštitu BiH i Izvještaj o posjeti Državnoj agenciji za istrage i zaštitu BiH;
4. Razmatranje inicijativa ministra sigurnosti BiH o pitanju eventualne odgovornosti za događaje u Potočarima 11.7.2015.;
5. Tekuća pitanja.

### **Ad.1. Usvajanje Zapisnika 11. sjednice Nezavisnog odbora**

Zapisnik 11. sjednice Nezavisnog odbora usvojen je jednoglasno bez primjedbi.

### **Ad.2 Usvajanje Zapisnika 12. sjednice Nezavisnog odbora**

Zapisnik 12. sjednice Nezavisnog odbora usvojen je jednoglasno bez primjedbi.

### **Ad.3. Informacija o stanju u Državnoj agenciji za istrage i zaštitu BiH i Izvještaj o posjeti Državnoj agenciji za istrage i zaštitu BiH**

U okviru ove tačke dnevnog reda na sjednicu su pozvani direktor Državne agencije za istrage i zaštitu BiH Perica Stanić i zamjenik direktora Državne agencije za istrage i zaštitu BiH Đuro Knežević kako bi s članovima Nezavisnog odbora razgovarali o trenutnom stanju u Državnoj agenciji za istrage i zaštitu BiH. S obzirom na to da je Perica Stanić tek imenovan na dužnost direktora Državne agencije za istrage i zaštitu BiH, članovi Nezavisnog odbora iskoristili su priliku da mu čestitaju na izboru i požele puno sreće u budućem radu. U raspravi o ovoj tački dnevnog reda i razgovoru članova Nezavisnog odbora s rukovodstvom Državne agencije za istrage i zaštitu BiH učestvovali su svi prisutni članovi Nezavisnog odbora. Dotakli su se raznih tema, počev od terorizma u našoj zemlji, napada na premijera Republike Srbije Aleksandra Vučića 11.7.2015. u Potočarima, saradnje s drugim policijskim agencijama te drugim pitanjima iz domena rada Državne agencije za istrage i zaštitu BiH.

Članovi Nezavisnog odbora jednoglasno su usvojili Izvještaj o posjeti Državnoj agenciji za istrage i zaštitu od 17.9.2015.

**Ad.4. Razmatranje inicijativa ministra sigurnosti BiH o pitanju eventualne odgovornosti za događaje u Potočarima 11.7.2015.**

U okviru ove tačke dnevnog reda članovi Nezavisnog odbora jednoglasno su usvojili dva zaključka:

**ZAKLJUČAK I.**

Odgđa se izjašnjavanje o ovom pitanju za neku od narednih sjednica Nezavisnog odbora.

**ZAKLJUČAK II.**

Nezavisni odbor uputit će akt Tužilaštvu BiH s upitom da li se istraga u vezi s događajima u Potočarima od 11.7.2015. vodi protiv Mirsada Vilića, direktora Direkcije za koordinaciju policijskih tijela u BiH.

**Ad.5. Tekuća pitanja**

U okviru ove tačke dnevnog reda članovi Nezavisnog odbora otvorili su pitanje u vezi sa usvojenim Zakonom o dopunama Zakona o plaćama i naknadama u institucijama BiH i na koji način se to, u tehničkom smislu, odnosi na ovo tijelo.

Također, ponovo je otvoreno pitanje službenih iskaznica, odnosno propusnica koje članovi Nezavisnog odbora još nisu dobili, a što je propisano u članu 25. Poslovnika o radu Nezavisnog odbora.

Prvi zamjenik predsjednika Nezavisnog odbora Enes Obralića zaključio je sjednicu u 13,15 sati.

**SEKRETAR**  
**NEZAVISNOG ODBORA**

Ivana Lovrić

**PREDSJEDNIK**  
**NEZAVISNOG ODBORA**

Žiko Krunić